

**Date:** 24 February 1565

**REF:** GD112/39/3/20

**Place:** Perth

**From:** Archibald Campbell, 5th Earl of Argyll

**To:** Colin Campbell of Glenorchy

**Address:** To our traist cousing Colyn Campbell of Glenvrquhaye

Traist cousing eftir hartlie commendatiounes. Forsamekill as Duncan Campbell of Glenlioun followit me to yis toun eftir my departing fra zou with quhom I have spokin and he denyis yat euer yair wes ony commoning betuix him and ye Erle of Athoill and purges him self thair of simpliciter bot ye proceding yairof God knawis. Quhair ze schew me that he suld have reportit yat I gaif command to ye Clangregour to burne Glenvrquhay he denyis ye samin and sayis yat it vas ze yat spak ye samin to him and he nocht to zow and yairfoir he sayis ze suld find ye dettour of yat mater. He sayis yat he hard ye samin of sum vyeris bot he vill nocht gif me ye dettour. And siclik quhan ze schew me yat he suld have declarit at ye Erle Atholes burd yat yair wes na fayth nor credit to be gevin owder to me or zou he denyis ye samin and purges him yairof simpliciter. And as for yir materis I pauss no thing yairin for I find ye samin of na effect. Thairfoir at ze vse yer premissis as zour visdome thinkis expedient for ye samin quhatvyer procedingis I get in court ze sall be get advertisement yairof. And thus committis zou to God. Of Perthe ye xxiiij day of Februar 1564.

Zouris

Archibald Ergyll

[PS] Forder I pray zou to advertis MacDouche Roy for my hundreth merkis and caus him haif ye samin in redines haistelie for I vill send for it. Commend ws to zour bedfello.